

不要放棄你的夢想

各位同學，唔知你哋有冇夢想係好想實現嘅呢？今日我哋會同大家講一個關於夢想嘅故事，係真人真事嚟。

話說係美國某兩兄弟屋企裡面，有一天佢哋嘅爸爸帶佢哋去附近牧羊，突然間！天上飛過一堆雀仔；哥哥就問爸爸：「爸爸，我哋可以同雀仔一樣咁飛嗎？」爸爸就話：「可以呀！冇問題」，結果兩兄弟就喺草原上展開雙臂學雀仔拍動翅膀邊跑邊揮動手臂，但係點都飛唔起嚟。佢哋就好難過的望住佢哋嘅爸爸...喺呢個時候爸爸就說：「等我示範一次！」佢展開雙臂學雀仔拍動翅膀邊跑邊揮動手臂，但係都有辦法飛起嚟，呢個時候兩兄弟就話：「爸爸，係唔係我哋冇辦法飛呀？」

爸爸就話：「唔係！因為你哋而家太細個而我而家太老喇，所以冇辦法飛，但係只要你哋唔好放棄你哋心中嘅夢想，一定有一日可以成功飛起嚟！」就係咁，兩兄弟就瘋狂咁研究...直到 1903 年，佢哋終於完成人類史上第一次試飛，因為經歷太多次失敗，喺呢次嘗試時只剩低六個人喺旁邊睇，但是他們最終都完成咗歷史上從來冇人做過嘅事，就係人類終於可以飛喇...而呢兩兄弟就係發明飛機嘅萊特兄弟喇。

今時今日飛機可以飛，唔係因為引擎或者翅膀，而係因為萊特兄弟冇放棄要飛上天空嘅夢想。某間航空公司嘅廣告有句口號係「I can fly」，意思就係話只要我哋唔放棄，肯堅持，夢想始終有機會實現。

希望各位同學都唔好放棄心中嘅夢想，努力堅持。

多謝！